



REPUBLIKA E SHQIPËRISË

KUVENDI



Nr. _____ Prot.

Tiranë më _____ 2018

Lënda: Propozim për projektligj

Drejtuar: Zotit Gramoz Ruçi

Kryetarit të Kuvendit

I nderuar zoti Kryetar i Kuvendit,

Në zbatim të nenit 81, pika 1 të Kushtetutës dhe nenit 68 të Rregullores së Kuvendit, propozojmë projektligjin “Për disa shtesa dhe ndryshime ne ligjin nr. 10129, datë 11.05.2009 “Për gjendjen civile”.

Deputetët propozues:

1. Verilina Ruzi
2. Gramoz Ruçi
3. Anxhela Nump
4. Blendo Gjelaçi
5. Evis Kushi
6. ELISA SIRA
7. Vilma Bello
8. Tuly Krasni
9. Lirion Leallu
10. Edlira Beke
11. Kloda Speher

Ulsi Mangaj
Adelina Rosta
Eglantina Gjermani
Ermonela Valiqaj (Felix)
Lechida Bello
Edmond Leke
Enay Brope



REPUBLIKA E SHQIPËRISË

KUVENDI

PROJEKTLIGJ
Nr. /2018

**“PËR DISA SHTESA DHE NDRYSHIME NE LIGJIN NR. 10129, DATË
11.05.2009 “PËR GJENDJEN CIVILE”**

Në mbështetje të nenit 78 dhe 83, pika 1 të Kushtetutës, me propozimin e një grupi deputetësh,

**KUVENDI I REPUBLIKËS
SË SHQIPËRISË**

VENDOSI:

Në ligjin nr. 10129, date 11.05.2009 “Për gjendjen civile” të ndryshuar, bëhen këto shtesa dhe ndryshime:

Neni 1

Pas nenit 38 shtohet një nen i ri me këtë përmbajtje:

Neni 38/1

Akti i lindjes lëshuar jashtë vendit

Në rastet kur akti i lindjes i mbajtur në një shtet tjetër ka të dhëna të paplota ose të pasakta, *gjykata bën vërtetimin e faktit juridik të lindjes me qëllim rregjistrimin në zyrat e gjendjes civile.*

Kërkesën për vërtetimin e faktit juridik të lindjes mund t’a paraqesin subjektet e parashikuara në nenin 40 të këtij ligji.
Kërkesa shqyrtohet nga gjykata e rrethit gjyqësor në të cilin kanë vendbanimin prindi ose prindërit e fëmijës për të cilin kërkohet regjistrimi.

Gjykata vendos shqyrtimin e kërkesës për vërtetimin e faktit juridik të lindjes brenda 45 ditëve nga data e depozitimit të kërkesës duke thirrur me cilësinë e personit të interesuar zyrën e gjendjes civile.

Nëse ndaj vendimit të gjykatës së shkallës së parë ushtrohet ankim, gjykata e apelit shqyrton ankimin, në dhomë këshillimi, brenda 30 ditësh nga data e depozitimit të tij.

Neni 2

Në nenin 40, pika 2, pas fjalëve, *“organet e njësisë së qeverisjes vendore”*, shtohen fjalët *“njësitë për mbrojtjen e fëmijës”*.

Në nenin 40, shtohet pika 3 me këtë përmbajtje:

40/3 Nëse deklarimi i lindjes së fëmijës, nuk kryhet brenda 60 ditëve, nga personat e përcaktuar në pikën 1, deklarimi kryhet nga subjektet e parashikuara në pikën 2. *Rregulla të hollësishme për zbatimin e kësaj dispozite përcaktohen me akt nënligjor të Ministrit përgjegjës për gjendjen civile.*

Neni 3

Në nenin 41, shtohet pika 3 me këtë përmbajtje:

“3. Për fëmijët e lindur jashtë territorit të Republikës së Shqipërisë nga shtetas shqiptar me banim të përhershëm në Shqipëri, rregjistrimi i lindjes së fëmijës bëhet në shërbimin e gjendjes civile të atij vendi. Kur kjo është e pamundur regjistrimi i lindjes mund të behet në përfaqësitë diplomatike ose konsullore shqiptare në vendin ku ka ndodhur lindja.

Neni 4.

Nw nenin 41, *pika 6 shfuqizohet.*

Neni 5

Pas nenit 41 shtohet neni 41/1 me këtë përmbajtje:

Neni 41/1

Raportimi dhe rregjistrimi i lindjeve me procedurë të veçantë

1. Të gjitha subjektet shëndetësore, shtetërore dhe private, që kanë të drejtë të vërtetojnë lindjen, janë të detyruara, që për çdo lindje të dërgojnë në zyrat e gjendjes civile ku prindërit kanë vendbanimin, çdo ditë të hënë, për javën pararendëse, dokumentacionin për lindjet e ndodhura pranë institucioneve të tyre. Modalitetet, lloji i dokumentacionit, forma dhe mënyra e komunikimit

ndërmjet këtyre institucioneve përcaktohet me udhëzim të përbashkët të Ministrave përkatës që mbulojnë institucionet e lartpërmendura.

2. Për çdo lindje të raportuar sipas pikës 1 të këtij neni, zyra përkatëse e gjëndjes civile pasqyron lindjen në regjistrin e përkohshëm. *Ministri përgjegjës për gjëndjen civile, përcakton me udhëzim rregulla të hollësishme për krijimin dhe administrimin e regjistrit të përkohshëm të lindjeve të raportuara.*

3. Nëse regjistrimi i lindjes së fëmijës, nuk kryhet brenda 60 ditëve nga data e lindjes, nëpunësi i gjëndjes civile informon njësinë për mbrojtjen e fëmijës, pranë njësisë vendore, e cila ndërmerr veprimet konkrete për vlerësimin e situatës dhe regjistrimin e lindjes në zyrën e gjëndjes civile. *Rregulla të hollësishme për zbatimin e kësaj dispozite përcaktohen me akt nënligjor të Ministrit përgjegjës për gjëndjen civile.*

Neni 6

Në nenin 45, pas pikës 3 shtohet *pika 3/a me këtë përmbajtje:*

Kur në aktin e lindjes të mbajtur jashtë vendit është e paplotësuar rubrika e emrit të fëmijës, plotësimi i saj bëhet në përputhje me procedurën administrative, të përcaktuar me akt nënligjor të Ministrit përgjegjës për gjëndjen civile.

Neni 7

Në nenin 56, pika 1, fjalët “ në juridiksionin e së cilës ka ndodhur lindja”, zëvendësohen me fjalët “që ka detyrimin e mbajtjes së aktit të lindjes”.
Në nenin 56, pika 4 shfuqizohet.

Neni 8

Në nenin 74 pika 1 gërma “b” fjalët “në nenin 41 pika 6” zëvendësohen me fjalët “në nenin 41/1, pika 1”.

Neni 9

Ky ligj hyn në fuqi 15 ditë pas botimit në Fletoren Zyrtare.

Kryetari

Gramoz Ruçi